



Altsasuko Udala
Ayuntamiento de Alsasua
I.F.K. / C.I.F.: P-3101000-B

☎ 948 56 21 61
FAX 948 56 38 55
www.altsasu.net
altsasu@altsasu.net
✉ Garcia Ximenez 36 - 31800

ALTSASUKO ETXEGABEEN ATERPETXEAREN ARAUBIDE JURIDIKOA **(NAO 27 zbk, 2015eko otsailak 10)**

LEHENBIZIKO KAPITULUA: Izaera eta xedea

- 1. artikulua.** Etxegabeen udal aterpetxea etxegabeei laguntza emateko zentroa da, xedea duena gauaz ostatu ematea eta harrera egitea etxerik ez dutenei edo hura eskura ez dutenei eta oinarrizko behar horiek berdintzeko baliabiderik ez dutenei.
- 2. artikulua.** Udal aterpetxearen egoitza herriko Geltokiko auzoan dago, Félix Arano etorbideko 5ean, Altsasuko Aita Kaputxinoek lagatako lokalean.
- 3. artikulua.** Etxegabeen aterpetxea soil-soilik Udalarena den zerbitzu publikoa da, haren antolaketari, funtzionamenduari eta diru hornidurari dagokionez, beste erakunde edo entitate batzuek diru-laguntzak ematen ahal badituzte ere. Hortaz, Altsasuko Udalak ahalmena du haren kudeaketa modua, aldaketa edo azkentzea erabakitzeko.

BIGARREN KAPITULUA: Erabiltzaileak

- 4. artikulua.** Erregelamendu honetaz den bezainbatean, etxegabetzat hartzen dira deserrotze egoeran egonik, ataka horri aurre egiteko baliabide pertsonal eta ekonomikorik ez duten guztiak, erroldaturik egon edo ez, eta bizilekua Altsasun izan edo ez.
- 5. artikulua.** Udal aterpetxean onartua izateko betekizunak izanen dira aurreko artikuluan ezarritako baldintzak betetzea, adinez nagusia izatea, laguntzarik behar ez izatea beren kabuz moldatzeko, eta profesionalen aldizkako laguntza behar duen eritasun psikikorik ez izatea.
- 6. artikulua.** Udal aterpetxearen kudeaketaz arduratzen denak esanen du sar daitekeen.
- 7. artikulua.** Udal aterpetxean egoteko denbora izanen da gau bat hiru hilabetean behin; salbuespenak izan daitezke, baina Udalak baimendu beharko ditu, zerbitzuaren arduradunak proposatuta.

HIRUGARREN KAPITULUA: Zerbitzuak

- 8. artikulua.** Udal aterpetxean zerbitzu hauek emanen dira:

- Informazio eta abegi zerbitzua.
- Ostatatze eta mantenu zerbitzua.
- Higiene zerbitzua.

- 9. artikulua.** Informazio eta abegi zerbitzuak xedea du etxegabeen identifikazioa, aterpetxeak eskaintzen dituen zerbitzuen gaineko informazio orokorra, baita etxegabeen onarpena ere.



Altsasuko Udala

Ayuntamiento de Alsasua
I.F.K. / C.I.F.: P-3101000-B

☎ 948 56 21 61

FAX 948 56 38 55

www.alsasu.net

alsasu@alsasu.net

✉ Garcia Ximenez 36 - 31800

10. artikulua. Ostatatze zerbitzuak xedea du gaua pasatzeko tokia ematea erregelamendu honetan ezarritako baldintzak betetzen dituzten guztiei; haren gehieneko edukiera 8 ohekoa da.

Ostatatze zerbitzuak, orobat, xedea du aterpetxean ostataturik dauden lagunen elikatze premiak (afaria eta gosaria) berdintzea.

11. artikulua. Higiene zerbitzuak (dutxatzea eta garbitzea) xedea du posible egitea norberaren higiene baldintza gutxieneakoak udal aterpetxeko zerbitzuen erabiltzaileen aldetik; zerbitzu hau erabiltzea nahitaezko baldintza izanen da aterpetxeko gainerako zerbitzuak erabili ahal izateko. Hartara, etxegabeen harrera egin ondoren, dutxatu eta garbitu egingen dira, eta geletan kokatuko dira.

12. artikulua. Gizarte Ongizate Batzordeak aldeaz aurretik txostena eginda, Udalak aterpetxeko prestazioak aldatzen ahalko ditu, egiazko premietara eta berak erabakitzen dituen kalitate mailetara egokitu beharrez. Halaber, aterpetxeko plaza kopuru osoa aldatzea bada, agertzen diren premien arabera, eraikinaren edukierak eta hura erabiltzeko arauak betetzeak horretarako aukera ematen badute; hala egiteak baldintza-orri honen 4.2 artikuluan aurreikusitako ondorioak ekarriko ditu.

LAUGARREN KAPITULUA: Eskubideak eta betebeharrak

13. artikulua. Hona hemen aterpetxearen erabiltzaileen eskubideak:

- a) Aterpetxearen barne funtzionamenduaren arauen berri izatea.
- b) Beren sineste zibiko, politiko, moral eta erlijiosoak errespetatzea.
- c) Aterpetxearen espazioak eta zerbitzuak erabiltzea, ezartzen diren ordu eta baldintzen barnean.

14. artikulua. Hona hemen aterpetxearen erabiltzaileen betebeharrak:

- a) Aterpetxean ostatatzen diren edo zerbitzu egiten duten guztien sineste zibiko, politiko, moral eta erlijiosoak errespetatzea.
- b) Aterpetxearen barne funtzionamenduaren arauak jakitea eta horiek betetzea.
- c) Bizikidetzatza, higiene eta garbitasun arauak begiratzea, bai norberari bai aterpetxeko espazioei dagokienez.
- d) Aterpetxean zerbitzu egiten dutenei behar bezala begirunea gordetzea.

15. artikulua. Aurreko artikuluetan aipaturiko betebeharrak ez betetzeak berekin ekarriko du instalazioak erabiltzeko eskubidea galtzea eta, beraz, aterpetxean egiten diren zerbitzuak erabili ezina.

BOSGARREN KAPITULUA: Funtzionamendua

16. artikulua. Aterpetxea irekirik egonen da astelehenetik ostiralera, 20:30etik biharamuneko 8:00ak arte, onartzeko ordutegia izanik 20:30etik 23:00ak arte.



Altsasuko Udala
Ayuntamiento de Alsasua
I.F.K. / C.I.F.: P-3101000-B

☎ 948 56 21 61
FAX 948 56 38 55
www.alsasu.net
alsasu@alsasu.net
✉ Garcia Ximenez 36 - 31800

Aterpetxea itxirik egonen da, oporrak direla-eta, uztailean, Altsasuko festetako bost egunetan, abenduaren 24an, 25ean eta 31n, eta urtarrilaren 1ean, 5ean eta 6an.

17. artikulua. Erreklamazio liburua egonen da, erabiltzaileen eskura.

18. artikulua. Aterpetxearen erabiltzaileen puskak zaindegi zerbitzuan utzi beharko dira, bertan dauden bitartean.

Aterpetxea hustuta, zaindegian utzitako gauzak eramaten ez badira, uko egiten zaiela ulertuko da.

Udalak ez du inolako erantzukizunik izanen zaindegian uzten ez diren gauzen eta arropen gain.